

DITSHWARO TŠA BOLAODI BA KHASTOM E AKANYEDITŠWE GO R90 MILLION

Pretoria, 19 Disemere 2018 – Go ditiragalo tše pedi tša go arogana, baofisiri ba Khastom ba Ditirelo tša Motšhelo tša Afrika Borwa ba swere Acetantranil – selo seo se dirišwago goba se angwago le tšweletšo ya Mandrax – sa kimelo ya 1600kg le se sengwe gape sa kimelo ya 1581kg, ka tatelano, seo se akantšwego go R90-million ka Boemafofane bja Bodišhabatšhaba bja OR Tambo (ORTIA) mo matšatšing a mabedi a go feta.

Ba Laporatori ya Ditirelo tša Forensiki (FSL) ba Ditirelo tša Maphodisa tša Afrika Borwa (SAPS) ba tiišeditše gore selo seo se na le tekanyo ya mebileng ya boleng bja diranta tše R90 million.

SARS e fetišeditše morwalo go SAPS bakeng sa dinyakišišo tša go tšwetšwa pele.

Mo tiragalong enngwe ka ORTIA bekeng ya go feta ka Labohlano, morwalo wa Dipilisi tša go Kaonafatša Thobalano tše 241 920, tša boleng bja R24 192 000.00, o swere ka nako ya dipuruputšo. Dithoto di ile tša išwa ka go ofisi ya tša Maphelo ya Boema bakeng sa dinyakišišo tša go tšwetšwa pele.

Ka Durban mathomong a beke ya go feta, motšwantle yo a ilego a foraforetša moofisiri wa Khastom wa SARS ka pipamolomo ya R200 000 o ile a tšwelela pele ga Kgorotshoko e Kgethegilego ya Bosenyi bja Kgwebo ka Durban. Mogononelwa o be a nyaka go diriša pipamolomo gore theraka ya gagwe le morwalo wa yona wa dinotagi e lokollwe. Makgetho a Khastom & Motšhelophahlogae ao a bego swanetše go lefelwa e be ele R1 200 000.00.

Ka nako ya kgolego, mogononelwa o be a swere lenanetheko la maaka, a laodiša gore dinotagi di tšwa lebenkeleng la ketwane la ka Gauteng.

Morago ga dinyakišišo tša go tsenelela, mogononelwa o ile a palelwa ke go fana ka tlhaloso ya go kwešišega le bohlatse bja fao morwalo wa dinotagi o hweditšwego gona. Ka lebaka leo, baofisiri ba ile ba fa mogononelwa Lengwalo la maikemišetšo a go swara theraka le morwalo.

Go swanetše go tiišetšwa gore ka ge go se na naga yeo e šireleditšwego kgatlhanong le bosenyi, SARS bjale ka agente yeo e nago le maikarabelo a go koleka motšhelo, e tla dula e le tebanyo go basenyi. Go šomana le bosenyi gabotse go tloga go le bohlokwa go SARS ka ge re tšwelapele leetong la rena la kagoleswa ya tshephano. Ke ka fao, Moofisiri wa Khastom wa ka Durban yo a gannego pipamolomo a tlogago a retwa ka lebaka la go se dumele go amana le bosenyi.

[Kgotla mo go hwetša diswantšho.](#)